



## Орган Лемковского Союза

Выходит в каждый четверг.

Редакция и администрация в Крыниці. — Адрес „Лемко“ Крыница.

### Пренумерата в краю:

30 грошей місячно,  
80 „ „ квартално,  
1.50 „ „ полрочно,  
3 зл. рочно.

В Америкі: 1 дол. рочно.

В Чехословакии:  
2 кор. місячно, 10 кор. полрочно,  
20 кор. рочно.

### Ціны оголошень:

Ціла сторона 120 зл., 1/2 сторони 60 зл., 1/4 сторони 35 зл., 1/8 стор. 20 зл., 1/16 стор. 10 зл.; оголошення малы за 1 мм. 20 гр., в тексті 30 гр., перед текстом 40 гр. При місячном и долгом оголошеню значна знижка.

Кonto чекове Нр. 404.155.

# Непевне положенє Прикарпатской Руси

По оголошеню автономии и выборі власного правительства Прикарпатска Русь проживат тяжкы часы. С одной стороны мадыры домагают ся прилучения до Венгрии голоного міста Прикарпатской Руси, Ужгорода и великих пространств, на котрых живе мѣшане, руске и мадырске населене и на той почві приходит меже населенем рускым и мадырскым до актов взаимных нападков.

Правительство чешке, по втраті Судетов, не хоче выпустити с под своей опеки инших краев и робит што лем може, штобы не допустити до автономии на Прикарпатской Руси, а если тото окаже ся невозможне, то хоц-отдалити термин рѣшеню той справы, но и понятно, окрыти автономия до ничтожных границ.

По занятю Судетов многы чешкы урядники опустили Судеты и вернули в глубину краю. Тьма урядниками хоче праске правительство участвити Прикарпатску Русь и присылат их там масово.

Против тому заливови урядниками-чехами боронит ся місцева населене и автономне правительство Прикарпатской Руси. Доходит до острых инцидентов, стрѣлянины и арештовань и трудне предвидѣти, чим ся тото закончит.

На місце попередного губернатора Прикарпатской Руси назначила Прага своего бывшего урядника и сотрудника уступившего президента Бенеша д-ра Парканого, котрого не хоче никто признати, ани народ, ани автономне правительство.

Премер правительства Прикарпатской Руси дал ему урляп, с котрого он уж не верне на занимае дотепер становиско. Др. Парканый, сейчас по одержаню урляпу опустил Ужгород, бо власти ужгородскы звернули его увагу на тото, же не могут ему залварантовати, же може он свободно розїзджати по Прикарпатской Руси, або хоц бы лем по окрестностях Ужгорода.

Отношения меже правительством Руси и Прагом стают ся с каждым днем чим раз больше напряжены. Причином того стае ся враждебне становиско, яке заняло праске правительство до автономного правительства.

Так напр. в часі подорожи карпаторусского министра Фенцика по западноруских землях

в окрестности Свидника на встречу министрови рушила парутысячна толпа народа, хотяча его привитати. Народ был задержанный через чешку жандармерию. Розгорычѣвы люде хотѣли на силу ити дальше и дошло до формальной биткы.

По здавленю события, толпа манифестантов пустила ся в напрямі міста Нижний Орлий, але и ту задержал их кордон жандармерии. Пришло на ново до схваткы, в часі котрой понад 20 людей было поколотых багнетами.

## Словакы унезалежняют ся чимраз больше от Праги

Словакы по оголошеню автономии унезалежняют ся чимраз больше от Праги. В руки словаков достали ся уж кромѣ загальной администрации также суды и администрация финансово.

Также действующи на Словакии заредены социальной асекурации сут уж в руках словаков. В урядах, обнятых через независимы власти словакы переводит ся всѣякы змѣны, причом на начальны становиска назначают ся словаков вмѣсто чехов, котры не могут погодити ся с тым положенем и пробуют провоковати словаков.

Отношения до сусѣдных держав хоче Словакия удержати поправны. Относительно Польщи, словацкый министр высказал ся, же Словакию с Польщом лучили все узы правдивой дружбы и приязни и же Словакия остане вірна той дружбі.

Словакия хоче удержати добры сусѣдскы отношения с Венгриом, але мадырам могут они отдати лем такую часть краю, котра бы не угрожала их экономичным интересам.

Министер Словакии заявил правильно, же идеальной языковой границы не даст ся на-

**Увага для высылаючих гроши за пренумерату!** В виду того, што от каждого переказу розрахункового администрация „Лемка“ мусит заплатити почтову оплату в высотѣ 20 грошей, просиме не высылати грошевых сум, бо оплата выносит нераз цілу выслану суму.

Администрация.

значити и тому вполні справедливом буде така граница, котра по обох сторонах оставят прилизительно также саме число меньшинств.

Таку границу може Словакия предложити мадырам, а если ся они на ню не згодят, ест она приготовлена на всьо. В справѣ урегульованя той границы мае Словакия звернути ся до Польщи о посередництво и словацкый министр приїхал уж до Варшавы в той справѣ.

**Всѣх Почтенных Пренумераторов „Лемка“ просиме переслати нам належну пренумерату. Редакция.**

## В Испании ліе ся дальше кров

Коли в середно-полудневой Европі иде на разѣ лем словна война, ведена меже дыпльоматами и лем от часу до часу чути гук выстрѣла, то в Испании война не устае. Там не бесѣдуют и не грозят, там бьют ся и убивают, там ліе ся кров!

Ген. Франко приготовлят ся до рѣшительного удареня на Каталюнию и на тот фронт стѣгат численны войска. Оживлене военных действий дае ся зауважити также на фронтѣ мадритском.

Повстанци, штобы захотити населене Мадрита до подданя ся через пару послѣдних дней высылали над Мадрит самолеты с хлѣбом и булками. Самолеты, уносячи ся над містом, шмаряли хлѣб и булжы. Тепер тоты самы самолеты мечут не хлѣб и булжы, але бомбы.

## Конфликт меже Венгриом и Чехословакиом

Чехословакия прикуват до себе дальше о чи ц'лого світа. Конфликт ей с Німеччином о мало не выкликнал европейской, а може и світової войны.

Под натиском западных держав Прага згодила ся уступити Німеччині часть Судетов и том жертвом окупила мир. Погодивше события идут скоро одно за другим. Польша прилучат польску часть Шлеска, Словакия, а за ньом и Прикарпатска Русь проголошають полную автономію, зазначаючи свою згоду на оставлене их земель при Чехах.

По тых событиях Венгрия почала ся домагати земель населеных мадярами.

Венгрия, операючи ся на рішеню монахийском чотырох держав, а именно Німеччины, Италии, Франции и Англии, котрым то рішенем назначено Чехословакии 3-ох місячний термин до урегулюваня всіх спорных территорияльных справ, зажадала дня 3 жолтня выслания до міста Комарна чеських представителей в справі звороту Венгрии тых земель, на котрых живе большинство мадяров, а котры находит ся тепер при Чехословакии.

Одночасно венгерске правительство назначило 3 вступны условия для переговоров, а именно: 1) освободити с вязниц политычных венгерских узников; 2) освободити с чеського войска вояков-мадяров; и 3) безотложного звороту двох пограничных міст.

Ческе правительство згодило ся на тоты жадаия и выслало своих представителей до Комарна на конференцию, котра мала ся распочати в 2 дні погодивше.

### О што ходит Венгрии.

Нарады в Комарні начали ся 9. т. м. и початково здавало ся, же прийде до угоды. Представителі чешко-словацкы, а именно премьер словацкий Тисо, чеський заграничный вице-

нистер Крно и ген. Вивста згодили ся отдати безотложно Венгрии міста Ипотысаг и Уйгели.

Того самого дня венгерский министр Каныа подал чешко-словацкым делегатам проект новой границы, основуючий ся на списі населеня с р. 1910. Проектом тым Венгрия зажадала звороту земли о пространстве около 13 тыс. кульометров квадратных, на котрых живе понад миллион людей.

Слідуючого дня на другом засіданю представителі чешко-словацкы заявили, же тот проект ест не до принятия, а в виду того, же сами они не высунули ниякого проекта, прото отложено нарады до слідуючого дня.

На другой день принял участие в нарадах также министр Прикарпатской Руси, д-р Бачинский. На тых нарадах высунено проект чешко-словацко-русский, котрым собовязано ся отдати Венгрии Житный Остров. Венгерскы делегаты не згодили ся на то и выхали. Таким способом конференция в Комарно не дала пожаданных результатов.

Венгрия повідомила о перерваню переговоров Италию, Німеччину, Польшу, Англию и Францию и почала ся мобилизовати.

Чехословакия предложила погодивше другой проект означеня границы, котрый увзглядят частично жадаия Венгрии, хоц не покрыват ся с ними цілковито. Венгрия уперат ся при отданю им Ужгорода, на што не годит ся рішительно Чехословакия.

Сут однак виды, же в скором часі прийде до скликания новой конференции, а если бы и тота оказала ся безуспішна, то аж втотчас отдано бы справу до полагодженя чотыром державам, беручим участие в монахийских нарадах.

Кругы политычны сут того мнїня, же справу означеня новых границ меже Венгриом и Чехословакиом даст ся полагодити угодово.

## Меженародный корпус в Судетах

До Чехословакии має приїхати бригада английских войск, зложена с 4-ох гвардейских и 2 линейных баталионов. Тотта бригада разом с войсками других держав має утворити меженародный корпус, котрый буде розміщений меже чеськыма и німецкыма войсками, штобы унеможливити всякы беспорядкы в часі плембисцыту, який маюти перевести в гдейких частях Судетов и в часі вызначеня границ меже Чехословакиом и Німеччином.

Английском бригадом має командовати бригадыр Торно.

## С яких льгот можна ище користати при сплаті долгов

Много людей ошибочно розуміе приписы закона с 14. квітня 1937. р. Приписы того закона не нарушають в ничом арт. 41. зарядженя Президента Р. П. с дня 24. жолтня 1934 р. о упорядкованю рольных долгов, а артыкул тот бесідует выразно, же термин платности рольных долгов в кредиті несорганізованом ест отложенный до 1. жолтня 1938. р.

С днем 1. жолтня 1938. р. автоматически, силом самого права, стаюти рольны долги платны в 28. ровных полрочных ратах. В сплаті отже тых долгов нич ся не змінило. Натоміст закон с 14. квітня 1937. р. змінил ряд ивних артыкулов зарядженя Президента Р. П.

И так продолжено термин до 31. грудня 1940. р. для передтерминных сплат рольных долгов и одночасно поднесено процент амортизацийной суммы. Передом, аж до часу появления ся закона с 14. квітня 1937 р. каждыма перед термином платности заплаченыма 100 злотыма, амортизовало ся 150 злотых долгу, а тепер 100 злотых рахует ся за 200 зл.

Для селян ест найважнійша справа сплаты долгов перед термином, тепер, коли уж зачал ся час сплаты рат и прото той справі посвятиме пару слов.

Перед термином можна сплатити так цілый долг, як и его часть, але в том последном случае, каждая сплачена перед термином часть долга мусит быти высша от припадающей до заплаты полрочной раты. Заплата перед термином мусит быти зарахована на цілый долг, в результате чого незаплачены раты зменьшуют ся пропорционально.

Найліпше буде представити того на примірі. Хлоп должен 2.800 злотых, котру то суму може сплатити в 28 ровных полрочных ратах, зачинаючи платити 1. жолтня 1938. р. Рата выносит отже по 100 зл. Перед днем 1. жолтня т. р. заплатил хлоп 700 зл. На основі закона тых 700 зл. рахует ся ему за 1.400 зл., остае ему отже до заплаты лем 1.400 зл. и полрочны раты выносят по 50 зл.

Если тот хлоп перед другом ратом т. е. перед днем 1. квітня 1939. року заплатит 350 зл., то тым самым сплатил знова 700 зл. долгу и решта долгу выносит лем 700 зл., а каждая полрочна рата буде выносити 25 зл.

Закон с 14. квітня 1937. р. продолжил также термин робленя подань о обнижене долгов с тытулу поділов родинных и наследственных (спадковых) до дня 31. грудня 1938. року. Поданя такы треба вносити до роз'емчих урядов.

## С Испании выцофуют охотников

В попередном числі доносили мы о том, же Совіты постановили выцофати своих охотников с Испании и же уж их офицеры и инструкторы достали приказ вернути до России.

Тепер газеты подают, же недавно отплы-

нуло до Италии 10 тысяч охотников италянских и же має то быти последна партия. Трудно в тото повірити.

Выцофанем охотников с территории Испании руководит меженародна комиссия.

## В Палестыні бют ся

В Палестыні арабы подняли открыту борбу не лем с жидами, але также с английскыма войсками. Раз по раз приходит до завязатых боев, потягающих за собом много жертв.

Арабы бют ся на смерть и житє. Недавно выслали они до жидовских организаций писмо, в котром пишут, же хоц бы мали быти цілковито знищены, то не позволят, штобы жидаы утворили большинство в арабской Палестыні.

При конци писма заявляють арабы, же аж и втотчас, коли бы Англия хотіла станути в обороні жидов и выступила вооружно, то и в том разі не зможе жидов оборонити во всіх арабских краях и на цілом Выході.

С тых слов видно, же арабы не уступят так легко и своих прав будут боронити завзято. Зрештом робят они уж тепер тото, хапачи ся найрижнороднійших способов, як тер-

рору, замахов бомбовых и кыравых самосудов над жидами и англикамы.

**400 миль вандровал пес за своим паном.** Оден с английских полициянтов, полнячих службу в Новой Гвиней, выхал службово со своего постерунку до місцевости отдаленной о близко 200 миль. Мал он неотлучного приятеля пса, котрого брал все с собом. Тым разом однак с огляду на тяжку подорож, оставил он пса на постерунку, под присмотром колегов. Коли по шестох місяцах вернул с подорожи, довідал ся, же в два дні по его вызді пес счез без сліду. Яке было счудоване всіх, коли пес появил ся знова в два дні по повороті полициянта. Выгляд пса был оплаканный. Оказало ся, же пес гнал за слідами своего пана и не мог его нигде догнати. Таким способом пес зробил 400 миль дороги.



## ШТО ЧУТИ В СВІТІ И В КРАЮ

**Килько выносит долг Польши.** Министерство Скарбу обчислило державны долги. С обчислення того довідуємо ся, же долги державы выносят 4,9 миллиардов зл. (меньше о 100 миллионов як в прошлом році). Задолжене перечислене на голову населеня выносит в Польщі по 148,5 злотового на каждого человека. Если поровнати тото задолжене с задолженем инших держав, то ест оно невелике. Долги Англии выносили в прошлом році по 4.300 зл. на одного жителя, а Франции — 1.680 зл.

**Квіт, котрый квітне раз на 105 літ.** Рідкым квітом ест квіт званий „Квітом Восточных Индий“, котрого лем три оригинальны штуки роснут в цілой восточной Азии. Одна с тых штук находить ся уж от давна в родині короля газет в Шангхаю, Хао. Сам Хао, его родина и многы знакомы обходили в том році цікаве торжество: На „Квіті Восточных Индий“ появил ся прекрасный пук квіта. Трафлят ся тото барз рідко, бо што 105 літ.

**Гостина для злодіев.** 70-літний пасер (такыи, што купуе от злодіев крадены річи) обходил 50-літний юбилей своей діяльности и на тот родинный праздник запросил всіх злодіев, от котрых куповал крадены товары. Не жаловал для них ідла и питя, лем бодай гості были рады. Гостина выпала бы барз красні, кебы не полиция, котра довідала ся о гостині и пришла на місце. Серед гостей повстала небывала паника. Часть злодіев потрафила утечи, але многы достали ся с гостины за краты. Сут меже нима и такы, котрых от давна глядала полиция.

**Знову катастрофальна буря над Японіом.** Япония пережила дня 1. вересня страшный день. Тайфун о силі, перевыжшающей всі бурі, якы переживала Япония от 25 літ, поробил страшны шкоды.

В Токио, столиці Японии 731 домов было цілковито розвалених, а в перешло 5 тысяч домах сут великы шкоды. Вода заляла парудесят тысяч домов. Под розвалинами хат нашло смерть 45 люда. Ранених ест значно больше. В другом великом місті Йокагама згнуло трое люда и парусот хат розбурил літ.р В порті того міста затопили ся три кораблі. На терені цілой Японии катастрофальна буря потягнула за собом перешло 100 жертв в людах.

Комуникация желізнодорожна, телефонична и телеграфична была на великих пространствах перервана.

При перечисленю на наши гроши, шкоды выносят понад 70 миллионов злотых.

**ВАЖНЕ для ЧИТАЛЕНЬ и КООПЕРАТИВОВ!**

Читальні и кооперативы тых сел, котры хотіли бы в зимі урядити у себе

**Курс вареня и домашнего хозяйства**

нехай звернут ся под адресом:

**Мгр. Яновицка — Крыница 2.**

## Комунальна Каса Ощадности Повіта Краковского в Кракові

Рок основания 1882.

ЦЕНТРАЛЯ КРАКОВ, УЛ. ПИЯРСКА 1.

тел. 115-97, 131-73, 101-03.

Одділення: КРЫНИЦА, тел. 112.

ВЕЛИЧКА, тел. 6.

Всі порученя входячи в область банковости.

ПОРУЧЕНЯ ДЕВИЗОВЫ

ПОРУЧЕНЯ БИРЖОВЫ

СХОВОК АВТОМАТ.

СУМА ВКЛАДОВ ПОНАД 35.000.000 ЗЛ.

МАСТОК ВЛАСНЫЙ ОКОЛО 6.000.000 ЗЛ.

БЕЗОПАСНОСТЬ.

ДОБРЫЙ ПРОЦЕНТ.

ДЕРЖАВНЕ ЗАВЕДЕНЕ КУРАЦИИНЕ  
В БЕСКИДІ ЗАПАДНОМ

## К Р И Н И Ц А — З Д Р О Й

Доїзд СКОРЫМА ПОїЗДАМИ через Тарнов—Новый Санч  
ВАГОНЫ СЫПЯЛЬНЫ

15 жерел щав желізисто-земельных, богатых в безводник угля. — Здрой Зубера, найсильнйша щав алькалична Европы. (Польске Виши), купелі минеральны: квасоуглевы и боровиновы КУПЕЛІ СОНЕЧНЫ. — — Заведене заосмотрене в найновйши приряды лічнич. — — Купель газовы сухы.

Пияльня и лазенкы, огріваны в зимі центрально. — Дом здробый покои с теплом водом.

РЕСТАВРАЦИЯ — ДАНЦИНГ — ЧИТАЛЬНЯ — РАДИО

Театр в сезоні головном, кино, спорты літны и зимушны.

Крыницкы воды лічат:

хвороты сердца, жолудка, жолчи, печенкы, проводов мочовых, женочи, малокровие, нервы — действуют добре на перемену материи и т. д.

Miejsce dla pisemnych wskazówek, dotyczących tytułu wpłaty oraz okresu czasu, do którego wpłata się odnosi. Korespondencja, zawierająca treść inną, podlega opłacie przez naklejenie znaczka pocztowego w wysokości opłaty taryfowej.

Nr. Listy rozrachunkowej .....

wpisał .....

sprawdził .....

Nr. listy rozrachunkowej .....

dzień  
nadania

(podpis sprawdzającego)

„Переказ вирізати и надати на почту разом з залеглом пренумератом за Лемка“.



Отвіт. редактор :  
Гарас Громосяк в Крыници.

Типография - А. Гольдмана  
во Львові ул. Сикстуска 19.